



საქართველოს იუსტიციის უმაღლესი საბჭო

გოგა კვიციანი

ბიულეტენი

კენჭისყრა - 30.05.2024

თანახმა ხართ თუ არა, საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარდგენილ იქნეს ბადრი შონიას კანდიდატურა?

დიახ

არა



საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისთვის ბადრი შონიას კანდიდატურის წარდგენის შესახებ გადაწყვეტილების დასაბუთება

საქართველოს იუსტიციის უმაღლესი საბჭოს 2024 წლის 24 იანვრის No.1/4 განკარგულებით, დაიწყო საქართველოს უზენაესი სასამართლოს მოსამართლეობის კანდიდატთა შესარჩევი პროცედურა, უზენაესი სასამართლოს მოსამართლის 3 ვაკანტურ თანამდებობაზე მოსამართლეობის კანდიდატთა შესარჩევად.

საქართველოს იუსტიციის უმაღლესი საბჭოს 2024 წლის 22 თებერვლის No.1/10 განკარგულებით, კანდიდატად დარეგისტრირდა **ბადრი შონია** (შემდგომში - „კანდიდატი“).

„საერთო სასამართლოების შესახებ“ საქართველოს ორგანული კანონის 34¹ მუხლის მე-8 და მე-10 პუნქტებით დადგენილი წესით, 2024 წლის 03 აპრილს, ჩემი მონაწილეობით, საქართველოს იუსტიციის უმაღლესმა საბჭომ ჩაატარა „კანდიდატის“ საჯარო მოსმენა.

„საერთო სასამართლოების შესახებ“ საქართველოს ორგანული კანონის 34¹-ე მუხლის მე-12 პუნქტის შესაბამისად, 2024 წლის 21 მაისს საქართველოს იუსტიციის უმაღლესი საბჭოს No.1/23 განკარგულების საფუძველზე საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისთვის წარსადგენი კანდიდატების შერჩევის შემდგომ ეტაპზე გადავიდა სამი კანდიდატი: ბადრი შონია, გოჩა ჯეირანაშვილი და გიჟო უბილავა.

„საერთო სასამართლოების შესახებ“ საქართველოს ორგანული კანონის 34¹-ე მუხლის მე-13 პუნქტის შესაბამისად, 2024 წლის 30 მაისს საბჭოს ღია სხდომაზე ჩატარდა კენჭისყრა, რა დროსაც საქართველოს უზენაესი სასამართლოს მოსამართლის თანამდებობაზე ასარჩევად საქართველოს პარლამენტისათვის წარსადგენად მხარი დავუჭირე ბადრი შონიას კანდიდატურას.

კანდიდატის მიერ წარმოდგენილი და საქართველოს იუსტიციის უმაღლესი საბჭოს მიერ მოძიებული ინფორმაციის, აგრეთვე კანდიდატთა საჯარო მოსმენის შედეგად მიმაჩნია, რომ კანდიდატი სრულად აკმაყოფილებს „საერთო სასამართლოების შესახებ“ საქართველოს ორგანული კანონის 35¹-ე მუხლის მე-2 და მე-3 პუნქტებით გათვალისწინებულ კეთილსინდისიერებისა და კომპეტენტურობის კრიტერიუმებს.

ჩემ მიერ კომპეტენტურობის კრიტერიუმით კანდიდატი შეფასებულია 91 ქულით, რაც „საერთო სასამართლოების შესახებ“ საქართველოს ორგანული კანონის 35¹-ე მუხლის მე-17 პუნქტით განსაზღვრული მაქსიმალური შეფასების 91%-ს შეადგენს.

საჯარო მოსმენის ფორმატში კანდიდატმა გამოავლინა კანონმდებლობის, ასევე ქართული და საერთაშორისო სასამართლო პრაქტიკის სიღრმისეული ცოდნა. კანდიდატი ასევე გამოიჩინა მრავალფეროვანი პროფესიული გამოცდილებით (როგორც სამოსამართლო, ისე არა სამოსამართლო საქმიანობის დროს) როგორც სისხლის, ისე ადმინისტრაციული სამართლის მიმართულებით. კანდიდატის სპეციალობით მუშაობის სტაჟი შეადგენს 19 წელს, სხვადასხვა დროს კანდიდატი მუშაობდა საქართველოს პროკურატურის ორგანოებსა და სასამართლოში, მათ შორის ეკავა მენეჯერული თანამდებობები ამავე სამსახურის სისტემებში.

2024 წლის 31 მაისს ჩატარებული ღია კენჭისყრის შედეგად კანდიდატმა დააგროვა 1392 ქულა (92.80%) და საერთო რეიტინგში დაიკავა პირველი ადგილი.

ყოველივე ზემოაღნიშნულის გათვალისწინებით, მიმაჩნია, რომ კანდიდატი სრულად აკმაყოფილებს საქართველოს უზენაესის სასამართლოს მოსამართლეობისათვის აუცილებელ მოთხოვნებს და მხარს ვუჭერ მის კანდიდატურას საქართველოს პარლამენტისთვის წარსადგენად.

გოგა კვიციანი



საქართველოს იუსტიციის უმაღლესი საბჭოს არამოსამართლე წევრი

30/05/2024